

Divergenzas en chaussa La Quotidiana

Il cussegl grond ha discutà l'avegnir da l'unica gasetta rumantscha dal di

■ (anr/ac) L'avegnir da la gasetta dal di rumantscha è vegnì tematisà il mardi passà en il cussegl grond. Las opiniuns davart ina gasetta surregiunala rumantscha divergeschan e tenor las explicaziuns en il plenum principalmain tranter deputads da L'Engiadina e la Surselva. Il motiv per la discussiun davart la suletta gasetta dal di rumantscha il mardi passà en il cussegl grond è stada la dumonda parlamentara dal deputà *Aurelio Casanova* (pcd, Foppa) davart l'avegnir da La Quotidiana. El ha ditg avant il parlament dad esser parzialmain cuntent cun la risposta da la regenza. Casanova vesa ina necessitad urgenta da segirar ina gasetta dal di per tut la Rumantschia a lunga vista e da betg opponer ina regiun contra l'autra.

Per il deputà *Mario Salis* (pps, Engiadin'Ota) èn las explicaziuns da Casanova stadas sulet parzialmain suandablas. El valitescha in sustegn finanziel dal maun public per La Quotidiana per falsificaziun dal martgà. Salis ha fatg la proposta dad edir ina Quotidiana treis giadas l'emna analog a la «Posta Ladina» e vesa LQ sco gasetta dal di rumantscha da la Surselva ed uschia ina incumbensa da la Surselva da tscherugar soluziuns.



La dumonda dal deputà *Aurelio Casanova* ha provotgà ina discussiun en il cussegl grond pro e contra LQ.

FOTO M. HARTMANN

Betg per plaschair dal deputà *Marcus Caduff* (pcd, Lumnezia) che ha fatg attent a las considerablas contribuziuns da

la Agentura da novitads rumantscha per la «Posta Ladina» uschia che tala existia medemamain grazia al sustegn public.

Per il deputà lumnezian fissi donn sch'il project per ina gasetta rumantscha dal di faschess naufragi.

Ueli Bleiker (pbd, Tumleastga) ha mussà chapientscha per las explicaziuns da Casanova e fatg attent a la digren dad abunnents da La Quotidiana ed intimà la Rumantschia dad abunar la gasetta dal di per segirar sia existenza.

Gabriela Tomaschett (pcd, Cadi) ha menziunà la valur da la gasetta dal di per mantegnair e sviluppar la lingua minoritara en ses idioms.

In aspect ch'il charedactor da La Quotidiana, *Martin Cabalzar*, ha medemamain pledentà en enconuschientscha parziala da la discussiun parlamentara. El ha fatg attent a la purschida cumpletta da La Quotidiana che segireschia la preschientscha da tut il tschingt idioms inclus rumantsch grischun e saja era per quel motiv in impurtant med da la promozion linguistica e per meglierar la chapientscha vicendaivla. Cabalzar deplorescha las divergenzas interrumentschas en chaussa gasetta rumantscha dal di ch'indebleschan la posiziun dals Rumantschs vers chantun e confederaziun ed èn da donn per la simpatia che la Rumantschia giada en Svizra tar ils conburgais d'austras linguas.